

NOGOMETNI SAVEZ FEDERACIJE BOSNE I HERCEGOVINE

PROPOZICIJE
natjecanja Prve futsal lige FBiH
za natjecateljsku 2024/2025 godinu

Sarajevo: listopad/oktobar 2024. godine

Broj: 2198/24
Sarajevo: 30.10.2024.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 39. sjednici održanoj 30.10.2024. godine u Sarajevu, donio je s l j e d e ć u:

PROPOZICIJE
natjecanja Prve futsal lige FBiH
za natjecateljsku sezonu 2024/2025

I - OPŠTE ODREDBE

Član 1.

- 1.01. Ovim Propozicijama utvrđuje se način organiziranja i provođenja natjecanja u Prvoj futsal ligi Federacije BiH u natjecateljskoj 2024/2025 godini.

II - UČESNICI NATJECANJA

Član 2.

- 2.01. Učesnike natjecanja Prve futsal lige Federacije BiH za natjecateljsku sezonu 2024/2025 utvrđuje Izvršni odbor NS FBiH na osnovu prijava klubova i k/ž saveza.
- 2.02. U natjecanju Prve futsal lige Federacije BiH učestvuju klubovi sa područja Federacije BiH na osnovu dostavljenih prijava.
- 2.03. Klubovi Prve futsal lige Federacije BiH su raspoređeni u četiri grupe na osnovu regionalne podijeljenosti, "Sjever", "Centar", "Zapad" i "Jug".
- 2.04. Učesnike u natjecanju i grupe utvrđuje Izvršni odbor NS Federacije BiH.

III - RUKOVOĐENJE NATJECANJEM

Član 3.

- 3.01. Natjecanjem rukovodi Izvršni odbor NS FBiH putem Komisije za natjecanje NS FBiH. Izvršni odbor NS FBiH donosi kalendar natjecanja i utvrđuje način žrijebanja klubova.
- 3.02. Organi natjecanja Prve futsal lige FBiH su:
- Komisija za natjecanje NS FBiH - rukovodi natjecanjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz natjecateljskog dijela, određuje delegate za utakmice, vrši analizu obavljanja delegatske dužnosti;
 - Komisija za suce i suđenje NS FBiH - delegira sudije i vrši analizu suđenja na svim utakmicama;
 - Disciplinska komisija NS FBiH – donosi prvostepene disciplinske odluke;
 - Apelaciona komisija - je drugostepeni organ koji donosi odluke po žalbama na prvostepene odluke iz natjecateljskog i disciplinskog dijela,
 - Druge komisije Izvršnog odbora NS FBiH

- 3.03. Ostale nadležnosti i zadaci komisija i pravnih tijela NS Federacije BiH propisani su Pravilnikom o radu Komisija Izvršnog odbora, pravnih tijela i natjecateljskih organa NS FBiH te ostalim pravilnicima i odlukama Izvršnog odbora NS FBiH i NS/FS BiH.

Član 4.

- 4.01. Natjecanje Prve futsal lige Federacije BiH provodi se po dvostrukom bod sistemu i vremenski utvrđenom kalendaru, sa dvije natjecateljske polusezone, jesen i proljeće.
- 4.02. Kalendar i raspored natjecanja, usvaja Izvršni odbor NS Federacije BiH.
- 4.03. Raspored odigravanja prvenstvenih utakmica prvog dijela određuje se prije početka natjecateljske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev Komisiji za natjecanje NS FBiH da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored takmičenja za natjecateljsku godinu.
- 4.05. Odluku o izmjenama kalendara natjecanja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za natjecanje NS Federacije BiH.
- 4.06. Raspored utakmica za prvenstvo Prve futsal lige FBiH određuje se žrijebom natjecateljskih brojeva i primjenom „Bergerove tablice“.
- 4.07. Natjecanje Prve futsal lige FBiH administrativno se vodi kroz COMET informacijski sistem.

IV - DVORANA

Član 5.

- 5.01. Klubovi Prve futsal lige FBiH zvanične utakmice igraju u dvorani čije dimenzije moraju biti u skladu sa Pravilima futsal igre.
- 5.02. Teren za igru mora biti odvojen od gledališta žičanom (zatvorenom) ogradom punog profila i odgovarajućeg kvaliteta, minimalne visine 120 cm, računajući sa nivoom tribina.
- 5.03. U dvorani moraju biti svlačionice za obje ekipe i posebna svlačionica za suce. Sve svlačionice moraju imati mokre čvorove- kupatila sa toplom vodom. Svaka svlačionica treba imati zaseban WC.
- 5.04. Izlazak na teren i povratak u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja.
- 5.05. U dvoranama treba biti osigurana posebna prostorija za sastavljanje zapisnika. Klub domaćin treba da obezbijedi:
- ispravan kompjuter sa štampačem
 - ispravnu internet konekciju
- Neispunjavanje ove tačke sa sobom nosi disciplinske posljedice.
- 5.06. Klub domaćin treba da obezbijedi jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje delegata, službenih predstavnika klubova, komesara za bezbjednost domaćina i predstavnika policije u slučaju krizne situacije. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocijeniti ima li elemenata za nastavak ili prekid date utakmice.

- 5.07. Uz teren ili na tribinama, za snimatelja utakmice mora biti uzvišeno i potpuno zaštićeno od publike, mjesto za snimanje utakmica na poziciji središnje crte igrališta kako bi se mogao pokriti cijeli teren za snimanje.
Snimanje utakmica regulisano je posebnim uputstvom o snimanju utakmica izdatim od strane NS FBiH.

V – DUŽNOST KLUBOVA

Član 6.

- 6.01. Klubovi su obavezni da dostave u Sekretarijat NS FBiH;
- naziv dvorane na kome će igrati utakmice;
 - naziv zamjenske dvorane u slučaju zauzetosti prvoprijavljene dvorane;
 - mjesto odigravanja utakmica;
 - boju dresova (dres, šorts i štucne), kao i rezervnu boju sa kojom će klub nastupati;
 - dan odigravanja utakmica (subota ili nedjelja).

Član 7.

- 7.01. Klub domaćin igra utakmice u mjestu sjedišta kluba, a u nedostatku dvorane u zamjenskoj dvorani koja je dobila suglasnost nadležnog organa, a koja ne može biti van kantona/županije u kome je sjedište kluba, izuzev ako se radi o dvorani koja se nalazi na području drugog kantona/županije, a nije udaljena više od 50 km od mjesta sjedišta kluba.
- 7.02. Dvorana koju klub prijavi pred početak natjecateljske sezone ne može se mijenjati tokom sezone, izuzev u iznimnim situacijama o kojima odlučuje Komisija za natjecanje NS FBiH uz poštivanje principa regularnosti natjecanja.

Član 8.

- 8.01. Organizaciju utakmica vrše klubovi domaćini, koji su obavezni obezbijediti sve uslove u skladu sa važećim propisima. Klub domaćin je obavezan poduzeti sve potrebne mjere za sigurnost sudaca, delegata i gostujućeg tima, za vrijeme odigravanja utakmice i sve do napuštanja dvorane.
- 8.02. Klub domaćin isključivo je nadležan za red i sigurnost prije, tijekom i nakon utakmice, te će biti pozvan na odgovornost zbog bilo kojeg incidenta, pa može biti kažnjen u skladu sa odredbama Disciplinskog pravilnika NS/FS BiH. U slučaju nastanka štete, klub domaćin dužan je nadoknaditi štetu nastalu incidentom.
- 8.03. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 8.04. Klub domaćin obavezan je postaviti Državnu zastavu BiH i zastavu NS/FS BiH. U dvorani mogu biti entitetske zastave, zastave kantona/županija, klupske zastave i zastave fair-playa. Postavljanje drugih zastava nije dozvoljeno. Istaknute zastave moraju biti istih dimenzija.
- 8.05. Državnu zastavu i zastavu NS/FS BiH klub je obavezan postaviti iznad zapisničkog stola ili na zid suprotno od tribine ukoliko se zapisnički stol nalazi na istoj strani kao tribina. U dvoranama gdje se sa obje strane nalaze tribine zastave se postavljaju ispod glavnog semafora.

Član 9.

- 09.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim

tehničkim pomagalicama najkasnije 60 (šezdeset) minuta prije određenog termina za početak utakmice.

- 09.02. Za odigravanje utakmica Prve futsal lige FBiH klub domaćin je obavezan obezbijediti tri (3) ispravne lopte za futsal u skladu sa pravilom 2. Pravila futsal igre.
- 09.03. Utvrđivanje podobnosti terena za igru vrši sudija utakmice u prisustvu oba kapitena ekipa.
- 09.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima futsal igre.

Član 10.

- 10.01 Klubovi su obavezni doći u dvoranu na kome će se odigrati utakmica najkasnije 60 (šezdeset) minuta prije utvrđenog vremena za početak utakmice te prisustvovati radnom sastanku (brifingu) kojim predsjedava delegat utakmice.

Član 11.

- 11.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 45 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste.
- 11.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

Član 12.

- 12.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja dvorane, kao i poduzeti sve mjere u dvorani za odigravanje utakmice i oko nje, predviđene ovim Propozicijama natjecanja, Pravilnikom o sigurnosti, kao i ostalim pravilnicima, odlukama, propisima i uputstvima NS/FS BiH i NS FBiH.
- 12.02. U skladu sa Pravilnikom o bezbjednosti NS/FS BiH, klub domaćin je obavezan obezbijediti najmanje 5% kapaciteta dvorane za dolazak gostujućih navijača.
- 12.03. Klub domaćin obavezan je obezbijediti najmanje 10 označenih i odvojenih mjesta od ostatka gledališta za smještaj delegacije gostujuće ekipe te predstavnike saveza u centralnom dijelu glavne tribine.
- 12.04. Klub domaćin utakmice obavezan je obezbijediti najmanje dva (2) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara (kojih ne može biti manje od 4), pripadnike policije, liječnika i dežurno sanitetsko vozilo sa osobljem ili zamjensko vozilo.
- 12.05. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv dvorane, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.

- 12.06. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 12.07. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 12.08. Bez pismenog odobrenja nadležne policijske stanice, ljekarske službe, sanitetskog ili zajenskog vozila, redarske službe utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 12.09. Klub domaćin za neispunjavanje ovih obaveza snosi natjecateljske i disciplinske posljedice u skladu sa Pravilnikom o nogometnim natjecanjima NS/FS BiH i Disciplinskim pravilnikom NS/FS BiH.
- 12.10. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar dvorane nije dozvoljeno prije početka utakmice, tokom utakmice i po završetku utakmice.
- 12.11. U dvoranama nije dozvoljeno isticanje transparenata i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 12.12. Na terenu za igru za vrijeme odigravanja utakmice zabranjen je bilo koji oblik reklamiranja.
- 12.13. Za vrijeme odigravanja utakmica zabranjeno je točenje alkoholnih pića. Ostala pića mogu se točiti u plastičnim ili papirnom čašama.

Član 13.

- 13.01. Klubovi su na svim utakmicama moraju imati minimalno jednog trenera sa odgovarajućom UEFA licencom izdatom od strane Centra za edukaciju kadrova NS/FS BiH, a koji je registriran u COMET informacioni sistem.
- 13.02. Klubovi su dužni na svim prvenstvenim i kup utakmicama osigurati sljedeće:
 - Licenciranog trenera sa odgovarajućom UEFA licencom za futsal;
 - Akreditiranog službenog predstavnika (akreditacije izdaje NS FBiH);
 - Akreditiranog komesara za bezbjednost na domaćim utakmicama (akreditacije izdaje NS FBiH);
 - Akreditiranog liječnika ili fizioterapeuta na domaćim utakmicama (akreditacije izdaje NS FBiH);
 - Mjerioca vremena;
 - Na domaćim utakmicama vozilo hitne pomoći ili adekvatno zamjensko vozilo sa dežurnim vozačem u slučaju potrebe prijevoza do zdravstvene ustanove.
- 13.03. Predstavnik kluba, glavni trener ili pomoćni trener ne mogu biti ista osoba.
- 13.04. Predstavnik kluba i igrač ne mogu biti ista osoba.
- 13.05. Predstavnik kluba, komesar za bezbjednost, ljekar i fizioterapeut obavezni su posjedovati odgovarajuću natjecateljsku akreditaciju koju izdaje NS FBiH za natjecateljsku sezonu 2024/2025.
- 13.06. Registracija trenera vrši se za natjecateljsku sezonu.
- 13.07. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistem.
- 13.08. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.

- 13.09. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 13.10. Na klupi kluba Prve futsal lige FBiH mogu sjediti glavni trener i treneri samo sa validnom UEFA licencom a koji su registrirani putem COMET informacionog sistema.
- 13.11. UEFA trenerske licence moraju biti validne da bi isti bili registrirani u COMET informacioni sistem za natjecateljsku sezonu 2024/2025 od strane NS FBiH.
- 13.12. Natjecateljske akreditacije službenog predstavnika, komesara bezbjednosti, ljekara i fizioterapeuta kluba Prve futsal lige FBiH validne su ako su izdane od strane NS FBiH za natjecateljsku 2024/2025 godinu.
- 13.13. Sva akreditirana/licencirana službena lica moraju biti unesena i evidentirana u COMET informacioni sistem (treneri, predstavnici kluba, ljekari, fizioterapeuti i komesari za bezbjednost), od strane administracije NS FBiH.

Član 14.

- 14.01. Klub domaćin obavezan je obezbijediti mjerioca vremena i najmanje jednu osobu za čišćenje terena, koji se moraju javiti delegatu i sudijama utakmice najmanje 30 minuta prije početka utakmice i biti spremni i sposobni za obavljanje te dužnosti.
- 14.02. Svi klubovi organizatori utakmice Prve futsal lige FBiH obavezni su delegatu prije početka utakmice prijaviti obučenog mjerioca vremena te su odgovorni za njegovo ponašanje i rad na utakmici.
- 14.03. Svaka dvorana mora imati moderan ispravan semafor da gledaocima, igračima i službenim osobama omogući tačne informacije koje se odnose na:
- imena obje ekipe,
 - preostalog vremena u bilo kojem period igre, odbrojavanje u minutama, sekundama i desetinkama sekunde od 20.00.0 do 0.00.0,
 - preostalo vrijeme kazne koje se izdržava, zbog isključenja igrača ili dva igrača iz obje ekipe, odbrojava od 02.00-0.00.0,
 - rezultat ,
 - time-outa, odbrojava od 01.00.0-0.00.0,
 - akumulirane prekršaje.
 - U slučaju neispravnosti semafora u dvorani klub domaćin je dužan obezbijediti stolni elektronski pokretni semafor ili stolni ručni semafor (npr odbojka, stolni tenis...itd), i ručnu štopericu.
- 14.04. Klub domaćin za neispunjavanje ovih obaveza snosi natjecateljske i disciplinske posljedice u skladu sa Pravilnikom o nogometnim natjecanjima NS/FS BiH i Disciplinskim pravilnikom NS/FS BiH.

Član 15.

- 15.01. Dvorana u kojoj se odigravaju utakmice Prve futsal lige FBiH mora biti zagrijana na optimalnu temperaturu.

Član 16.

- 16.01. Klub domaćin obavezan je kvalitetno snimiti utakmicu Prve futsal lige FBiH na DVD-u i neposredno po završetku utakmice DVD u začepečenoj koverti, ovjerenoj klupskim pečatom, predati delegatu utakmice ili dostaviti u Sekretarijat NS FBiH putem linka najkasnije 24 sata po odigranoj utakmici. Obavezno je snimanje i poslije utakmice, sve dok igrači i službene osobe ne napuste teren za igru i to pod prijetnjom disciplinskih sankcija.

- 16.02. Snimanje se vrši u skladu sa posebnim uputstvom koje je sastavni dio ovih Propozicija.
- 16.03. Klub domaćin Prve futsal lige FBiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija, uz obaveznu najavu od strane gostujućeg kluba Komisiji za natjecanje NS FBiH i klubu domaćinu najkasnije 48 sati prije odigravanja utakmice.
Bez pismene najave u propisanom roku, klub domaćin nije dužan omogućiti snimanje utakmice gostujućem klubu.
- 16.04. Klub domaćin može utakmicu Prve futsal lige FBiH emitirati u direktnom prenosu putem TV kanala ili društvenih mreža uz prethodnu saglasnost Komisije za natjecanje NS FBiH.
- 16.05. Klub domaćin obavezan je utakmice kvalifikacija (play-offa) emitirati u direktnom prenosu putem TV kanala ili putem streama na društvenim mrežama.
- 16.06. Ukoliko klub gost utakmicu Prve futsal lige FBiH emitira u direktnom prenosu putem TV kanala ili društvenih mreža, klub je obavezan tražiti saglasnost Komisije za natjecanje i kluba domaćina. U suprotnom klub snosi disciplinske posljedice.
- 16.07. Klub koji je prema ovim Propozicijama bio obavezan, a ne snimi utakmicu, ili koji ne dozvoli gostujućem klubu snimanje utakmice, klub koji u propisanom roku nadležnom organu ne dostavi video-materijal sa utakmice ili ga dostavi u neispravnom ili neupotrebljivom stanju, bit će kažnjen:
-novčanom kaznom od 500 KM do 2.000 KM,
-a u težem ili ponovljenom slučaju od 1.000 KM do 3.000 KM.

VI – TRAJANJE IGRE I ZAKAZIVANJE UTAKMICA

Član 17.

- 17.01. Utakmica klupskog takmičenja u malom nogometu/futsalu traje 2x20 minuta, a tokom utakmice mogu se izvršiti više izmjena igrača, a u skladu sa pravilima igre malog nogometa/futsala.

Član 18.

- 18.01. Utakmice se mogu zakazati u terminu (početak utakmice) od 13:00 do 20:00 sati i to ukoliko se igra u subotu ili nedjelju. Ukoliko se iznimno igra nekim drugim danom u sedmici, utakmica se može zakazati u terminu (početak utakmice) od 17:00 do 20:00 sati.
- 18.02. Utakmice se mogu igrati i u drugom terminu uz pismeno odobrenje protivničkog kluba i odobrenje Komisije za natjecanje NS FBiH.
- 18.03. Klub domaćin obavezan je u NS FBiH, kao i protivničkom klubu, u pismenoj formi, dostaviti tačnu satnicu početka utakmice i to najkasnije četiri dana (srijeda do 14 sati) prije određenog dana za odigravanje utakmice.
U slučaju nepoštivanja ove odredbe, odluku o odigravanju utakmice donijet će Komisija za natjecanje NS FBiH.

Član 19.

- 19.01. Klubovi su obavezni odigrati svaku utakmicu predviđenu rasporedom i kalendarom natjecanja.

- 19.02. Komisija za natjecanje NS FBiH može donijeti odluku da se posljednje kolo u natjecanju Prve futsal lige FBiH igra isti dan u isto vrijeme, u skladu sa kalendarom natjecanja i odlukom Komisije za natjecanje NS FBiH.
- 19.03. U skladu sa prethodnim stavom, obavezuju se klubovi da blagovremeno osiguraju termin u dvorani ili zamjenskoj dvorani radi odigravanja utakmica posljednjeg kola natjecanja.
- 19.04. Klub koji ne doputuje na utakmicu ili ne obezbijedi dvoranu za utakmicu, pored natjecateljskih posljedica (registracija utakmice službenim rezultatom), prema odredbama Disciplinskog pravilnika NS/FS BiH će se kazniti:
- oduzimanjem od tri do dvanaest bodova.
 - novčanom kaznom od 500 KM do 2000 KM, koju je klub dužan platiti na račun NS FBiH u roku od 30 dana od dana primitka odluke.

Član 20.

- 20.01. Svaki nedolazak na utakmicu smatra se neopravdanim, izuzev slučaja više sile, što u svakom konkretnom slučaju cijeni Komisija za natjecanje NS FBiH.
- 20.02. Klub koji započinje natjecanje obavezan je da registruje dovoljan broj igrača, kao i da se stara o blagovremenom dolasku na utakmicu vodeći računa o eventualnim smetnjama na putovanju (kvar na vozilu, zastoje i drugo).
- 20.03. Gostujući tim obavezan je u dvorani gdje se igra utakmica biti najkasnije 60 minuta prije zakazanog početka utakmice, a sastav tima sa igračkim legitimacijama dostaviti delegatu 45 minuta prije početka utakmice.
- 20.04. U slučaju neodigravanja dvije prvenstvene utakmice, prema odredbama Pravilnika o nogometnim natjecanjima BiH, klub će biti isključen iz natjecanja i snosit će disciplinske posljedice.

VII – PROMJENA TERMINA, ODLAGANJE UTAKMICE

Član 21.

- 21.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba Komisiji za natjecanje NS FBiH, najkasnije osam (8) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.
- 21.02. U slučaju kada zahtjev za promjenu termina nije podnesen u skladu sa prethodnim stavom, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 21.03. Odluku o izmjeni dana odigravanja utakmice uvijek donosi Komisija za natjecanje nakon sagledavanja svih okolnosti koje mogu imati uticaja na regularnost natjecanja. Utvrđena satnica početka utakmice koju je klub najavio najkasnije četiri dana prije dana odigravanja utakmice, može se u opravdanim slučajevima promijeniti odlukom Komisije za natjecanje NS FBiH.
- 21.04. Komisija za natjecanje NS FBiH, shodno ukazanoj potrebi, može i u drugim slučajevima donijeti odluku o promjeni termina utakmice.

Član 22.

- 22.01. Utakmica se može odgoditi ukoliko je iz jednog tima pozvano dva ili više igrača u reprezentaciju Bosne i Hercegovine radi odigravanja utakmica predviđenih kalendarom natjecanja, izuzev kada su u pitanju odigravanje utakmica posljednja dva kola a koje bitno utiču na konačan poredak na tabeli.
- 22.02. Odluku o odlaganju utakmice donosi Komisija za natjecanje i o tome pismeno obavještava zainteresirane klubove.

Član 23.

- 23.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za natjecanje donosi Komisija za natjecanje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

VIII – PRAVO NASTUPA IGRAČA

Član 24.

- 24.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina ali sa obaveznim specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se proglašava sposobnim za nastupanje na utakmicama seniorskog uzrasta.
- 24.02. Na utakmicama Prve futsal lige FBiH mogu nastupiti samo igrači koji su operativni u COMET informacionom sistemu (koji su prošli proces registracije).
- 24.03. Svaka ekipa u zapisnik sa utakmice prijavljuje minimalno osam igrača. Klubovi koji nemaju najmanje osam igrača u zapisniku sa utakmice snosit će disciplinske sankcije.
- 24.04. Na početku utakmice svaka ekipa mora imati pet igrača. Ako u slučaju isključenja igrača ostane manje od tri igrača (uključujući vratara) u bilo kojoj ekipi, utakmica se mora prekinuti.
- 24.05. U sastavu prijavljenog tima Prve futsal lige moraju se nalaziti najmanje dva (2) igrača mlađa od 21 godine života, koji moraju biti fizički prisutna na klupi za rezervne igrače u sportskoj opremi i upisani u zapisnik sa utakmice.
- 24.06. Za natjecateljsku 2024/2025 godinu, kao igrači mlađi od 21 godine života smatraju se igrači rođeni 01.01.2003. godine i mlađi.
- 24.07. U slučaju nedostatka mlađih igrača do 21 godine, suprotno navedenom stavu ovog člana, utakmica će biti registrovana službenim rezultatom 3:0 (par forfe) u korist protivnika.
- 24.08. Na prvenstvenim utakmicama nemaju pravo nastupa igrači koji se nalaze pod suspenzijom, kaznom zabrane igranja i automatskom kaznom zbog tri opomene.
- 24.09. Automatsku kaznu zabrane igranja jedne prvenstvene utakmice nastalu zbog dobivene tri opomene, igrač izdržava na prvoj sljedećoj prvenstvenoj utakmici.
- 24.10. Na svim prvenstvenim utakmicama može biti prijavljeno do devet (9) zamjenskih igrača. Igrač registriran za veliki nogomet može u jednom danu nastupiti na dvije utakmice i to isključivo na jednoj utakmici futsala i jednoj utakmici velikog nogometa.

Član 25.

- 25.01. Svaki igrač koji nastupa u natjecanju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 25.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače od 17 godina 4 (četiri) mjeseca.
- 25.03. Za igrača koji nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 25.04. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim natjecanjima NS/FS BiH.

Član 26.

- 26.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 26.02. Identitet se u pravilu utvrđuje prije početka utakmice.
- 26.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.
- 26.04. Svi igrači moraju imati adekvatnu fotografiju pohranjenu u COMET informacioni sistem.

Član 27.

- 27.01. U takmičenju Prve futsal lige FBiH dopušten je nastup tri (3) igrača strana državljanina na utakmici. Igračima stranim državljanima ne smatraju se igrači koji imaju dvojno državljanstvo od kojih je jedno Bosne i Hercegovine.
- 27.02. U slučaju većeg broja stranih igrača, suprotno navedenom stavu ovog člana, utakmica će biti registrovana službenim rezultatom 3:0 (par forfe) za protivnika u korist protivnika, a klub će snositi i disciplinsku odgovornost.

IX – OPREMA IGRAČA

Član 28.

- 28.01. Klubovi moraju poštivati boju sportske opreme kluba protivnika (domaćeg kluba), koje su prije početka prvenstva prijavljeni u Sekretarijat saveza i objavljena u biltenu NS FBiH.
- 28.02. Timovi na jednoj utakmici ne mogu igrati u istim ili sličnim bojama sportske opreme. U slučaju da se podudara boja opreme kod dva tima dresove će promijeniti domaća (prvoimenovana) ekipa, a delegat utakmice je obavezan prijaviti tim zbog zanemarivanja boje sportske opreme a klub će snositi disciplinsku odgovornost.
- 28.03. Brojevi na dresovima moraju odgovarati onima na popisu igrača u zapisniku o utakmici. Ako su dresovi prugasti ili šareni, brojevi moraju biti na jednobojnoj podlozi. Za vrijeme

odigravanja utakmice igrači na poledini dresova moraju imati vidljive brojeve propisane veličine.

28.04. Obavezna oprema igrača je:

- dres
- šorts
- štucne
- kostobrani
- odgovarajuće patike

28.05. Igrači koji se nalaze u tehničkom prostoru obavezni su nositi markere sa brojevima koji su identični brojevima na dresu igrača, navedeno se odnosi i na igrača koji u igri mijenja vratara.

28.06. Vratar može da nosi donji dio trenerke, kao i dres u boji koja će ga jasno razlikovati od drugih igrača i sudija. Ako drugi igrač mijenja vratara, mora imati identičan dres kao vratar i sopstveni broj na dresu.

X – DELEGAT UTAKMICE

Član 29.

29.01. Za svaku prvenstvenu utakmicu Komisija za natjecanje određuje delegata koji zastupa NS FBiH i ima vrhovni nadzor na utakmici. Delegat je dužan doći u dvoranu najkasnije 60 minuta prije vremena određenog za početak utakmice.

29.02. Delegat je dužan putem igračkih legitimacija ili na drugi način utvrđen Pravilnikom o nogometnim natjecanjima obaviti pojedinačnu identifikaciju svih igrača prijavljenih za utakmicu.

29.03. Delegat utakmice zapisnik i izvještaj sa utakmice dostavlja kroz COMET informacioni sistem a ostalo prema posebnom uputstvu Komisije za natjecanje NS FBiH.

29.04. Delegat na utakmici je obavezan u roku od 24 sata po odigranoj utakmici kroz COMET informacioni sistem zaključiti delegatski izvještaj.

29.05. Sudac je obavezan sa delegatom utakmice sačiniti zapisnik, te provjeriti vjerodostojnost unosa podataka u COMET informacionom sistemu.

29.06. Na prvenstvenim i Kup utakmicama delegatsku dužnost obavljat će delegati sa futsal liste delegata NS FBiH.

Član 30.

30.01. Delegat je obavezan izvršiti i druge radnje koje mu povjeri Komisija za natjecanje. Delegat koji se u svezi sa obnašanjem svoje dužnosti nedovoljno zalaže, odnosno ne provodi zaključke, odluke ili koji pokaže nedovoljno poznavanje Pravila igre, bit će izostavljen u jednom ili u više delegiranja.

30.02. Ukoliko na utakmici dođe do incidenta, prekida utakmice, isključenja igrača delegat je obavezan u roku 24 sata dostaviti dopunsko izvješće, a na zahtjev Komisije ili Sekretarijata i u drugim situacijama. Na poziv Sekretarijata ili natjecateljskog organa, delegat je dužan izvještaj ili dopunski izvještaj dostaviti i ranije, a što se odnosi i na sudije.

XI – NOGOMETNI SUCI

Član 31.

- 31.01. Prvenstvene i Kup utakmice sude nogometni suci sa liste sudija Prve futsal lige FBiH ili Premijer futsal lige NS/FS BiH.
- 31.02. Za sve prvenstvene utakmice, suce određuje Komisija za suce i suđenje NS FBiH.
- 31.03. Na utakmice play-offa delegirat će se treći sudac sa liste sudaca Prve futsal lige FBiH ili Premijer futsal lige BiH. Komisija za suce i suđenje NS FBiH može i na utakmice u toku prvenstva delegirati trećeg suca.
- 31.04. Suci su dužni doći u dvoranu najkasnije 60 minuta prije vremena predviđenog za početak utakmice, pregledati teren u smislu Pravila futsal igre i ustanoviti njegovu sposobnost za igru. Ako suci ustanove da je dvorana neuslovna za igru i da se utakmica ne može igrati, dužni su svoju odluku priopćiti delegatu utakmice koji će o tome obavijestiti Komisiju za natjecanje NS FBiH.
- 31.05. Na utakmice play-offa Komisija za suce i suđenje NS FBiH delegirat će posmatrače suđenja sa liste delegata (instruktora suđenja) Prve futsal lige FBiH. Komisija za suce i suđenje NS Federacije BiH može na utakmice, za koje procijeni da bitno utiču na položaj na tablici i utakmice koje odlučuju o plasmanu, odrediti i posmatrača suđenja sa liste delegata Prve futsal lige Federacije BiH.

Član 32.

- 32.01. Ako sudac koji je određen za suđenje utakmice ne dođe u određeno vrijeme za početak utakmice, utakmicu će suditi pomoćni sudac. Ukoliko na utakmicu ne dođe niti pomoćni sudac klubovi će se pismeno sporazumjeti da utakmicu sudi jedan od prisutnih sudaca saveznog/entitetskog ranga.
- 32.02. U slučaju da klubovi ne postignu sporazum, delegat utakmice će odlučiti koji će od prisutnih sudaca suditi utakmicu, što sve treba zapisnički konstatirati. Ukoliko sudac otkáže nalog za suđenje, obavezan je u pismenoj formi o tome obavijestiti NS FBiH i obrazložiti razlog otkaza.
- 32.03. Delegat i suci su odgovorni za tačnost podataka u zapisniku.

XII – REGISTRACIJA UTAKMICA

Član 33.

- 33.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komisija za natjecanje NS FBiH registruje postignutim rezultatom.
- 33.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim natjecanjima NS/FS BiH.
- 33.03. Komisija za natjecanje NS FBiH vrši analizu i registraciju odigranih utakmica na prvom narednom sastanku.
- 33.04. Izuzetno, Komisija za natjecanje NS FBiH registraciju odigranih utakmica može izvršiti putem e-maila ili telefona. Verifikaciju registrovanih utakmica vrši Komisija za natjecanje NS FBiH na prvoj narednoj sjednici.

- 33.05. Ako je na utakmicu uložena žalba, rok za registraciju utakmice se produžava do konačne odluke.

XIII – ŽALBE

Član 34.

- 34.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.
- 34.02. Žalba sa pismenim obrazloženjem sa dokazom o uplaćenju taksi mora se dostaviti u NS Federacije BiH u roku od 48 sati po odigranoj utakmici.
- 34.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 34.04. Žalba se dostavlja putem Sekretarijata NS FBiH, Komisiji za natjecanje NS FBiH.
- 34.05. Uz žalbu se dostavlja dokaz o uplaćenju taksi u skladu sa odlukom IO NS FBiH.

Član 35.

- 35.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 35.02. Odluke po uložnim žalbama bit će donijete u roku od osam dana od dana prijema žalbe.
- 35.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučenog pisma ili telegrama, datum na faksu kao potvrda o žalbi te datum na novčanoj uplatnici.

Član 36.

- 36.01. Žalbe u prvom stepenu rješava Komisija za natjecanje NS FBiH.

Član 37.

- 36.01. Žalba na prvostepenu odluku može se podnijeti Apelacionoj komisiji NS FBiH, u roku od osam dana od dana prijema odluke prvostepenog organa. Drugostepena odluka je konačna.
- 36.02. Za utakmice posljednja dva kola i utakmice doigravanja rok za podnošenje žalbe drugostepenom organu je tri dana.

Član 38.

- 38.01. U interesu regularnosti natjecanja i potrebe hitnosti postupka, organ koji donosi odluke može utvrditi i skraćeni žalbeni postupak.

XIV – FINACIJSKE ODREDBE

Član 39.

- 39.01. Kotizaciju u iznosu 1.500 KM za klubove Prve futsal FBiH, kojom se finansira rad organa koji u procesu natjecanja razmatraju pitanja natjecanja i donose odluke u vezi sa natjecanjem, kao i

izvršavanje administrativno-tehničkih i drugih poslova, klubovi uplaćuju na transakcijski račun NS FBiH.

39.02. Uplata kotizacije vrši se prije žrijebanja natjecateljskih brojeva.

39.03. Klubovi koji u predviđenom roku ne izvrše uplatu kotizacije neće biti uvršteni u žrijeb natjecateljskih brojeva te neće učestvovati u natjecanju Prve futsal lige FBiH.

Član 40.

40.01. Službenim licima za utakmice Prve futsal lige Federacije BiH pripada sljedeća taksa:

- Delegatu utakmice..... 100 KM
- Prvom sucu utakmice..... 100 KM
- Drugom sucu utakmice..... 100 KM
- Trećem sucu utakmice..... 70 KM
- Posmatraču suđenja..... 100 KM

Službena lica nemaju pravo na dnevnicu.

40.02. Ukoliko službena osoba na utakmicu putuje više od 100 kilometara (u jednom pravcu) od mjesta boravka ima pravo na putne troškove u iznosu od 30 KM.

40.03. Ukoliko službena osoba na utakmicu putuje više od 150 kilometara (u jednom pravcu) od mjesta boravka ima pravo na putne troškove u iznosu od 50 KM.

Član 41.

41.01. Navedene iznose naknada za službena lica (suci/delegati) klub je obavezan uplatiti svakoj službenoj osobi pojedinačno, najkasnije 24 sata po odigranoj utakmici obavezno na žiro račun.

41.02. Ukoliko klub ne isplati službena lica ili ih djelimično isplati, klubu se ostavlja rok od dodatna 24 sata da izmiri troškove, nakon čega se podnosi prijava za pokretanje disciplinskog postupka protiv kluba.

41.03. Validnu kopiju dokaza uplate službenim licima (suci/delegat) klub je obavezan dostaviti delegatu na brifingu prije početka naredne utakmice, što će delegat precizno utvrditi prije utakmice.

Član 42.

42.01. Novčana kazna za crveni karton iznosi 85 KM, a za žuti 35 KM, sa rokom uplate prema odluci Disciplinske komisije NS FBiH.

XV – UTVRĐIVANJE PLASMANA

Član 43.

43.01. Plasman klubova utvrđuje se prema odredbama Pravilnika o nogometnim natjecanjima Nogometnog/fudbalskog saveza BiH.

43.02. Shodno odlukama IFAB-a gol u gostima se ne računa dvostruko.

43.03. Dva najbolje plasirana kluba iz svake grupe plasirat će se u play-off.

43.04. Parovi četvrtfinalnih i polufinalnih utakmica se određuju žrijebom.

43.05. U četvrtfinalnim utakmicama sastaju se prvoplasirana ekipa jedne grupe protiv drugoplasirane ekipe druge grupe.

- 43.06. U četvrtfinalnim i poufinalnim utakmicama se ne mogu sastati klubovi iz iste grupe.
- 43.07. Pobjednik nakon dvije četvrtfinalne utakmice ostvaruje plasman u polufinale. Pobjednici u polufinalnim utakmicama, ostvarit će plasman u finale.
- 43.08. Pobjednik nakon dvije finalne utakmice je prvak Prve futsal lige FBiH, te ostvaruje plasman u Premijer futsal ligu BiH.
- 43.09. Play-off se igra po dvostrukom kup sistemu (domaćin-gost) nakon obavljenog žrijeba.
- 43.10. U slučaju identičnog rezultata nakon dvije utakmice, izvode se udarci sa tačke od šest metara kojim se dobija pobjednik, a prema Pravilima futsal igre.
- 43.11. Prvak Prve futsal lige FBiH u seniorskoj konkurenciji automatizmom će ostvariti plasman i obavezno će igrati u Premijer futsal ligu BiH za juniore (U19), ukoliko se otvori prostor za popunu iste. Izuzetno, u Premijer futsal ligu za juniore U19 plasman će ostvariti i obavezan je igrati poraženi klub finalne utakmice play-offa ukoliko klub prvak Prve futsal lige FBiH već učestvuje sa juniorskom selekcijom u Premijer futsal ligu BiH za juniore.

Član 44.

- 44.01. Klubovi koji se u natjecateljskoj sezoni 2024/2025 prvi put natjeću u Prvoj futsal ligi FBiH u prvoj godini natjecanja ne mogu ostvariti plasman u play-off, te će u tom slučaju plasman u play-off ostvariti prvi naredni klub prema plasmanu.

XVI – POPUNJAVANJE LIGE

Član 45.

- 45.01. U narednoj natjecateljskoj sezoni 2025/2026 Prvu futsal ligu Federacije popunjavaju klubovi koji su ispali iz natjecanja Premijer futsal lige BiH, klubovi Prve futsal lige FBiH koji izvrše prijavu za natjecanje i novoformirani klubovi koji ispunjavaju sve potrebne uvjete.
- 45.02. Izvršni odbor može donijeti odluku o formiranju Prve i Druge futsal lige Federacije BiH u slučaju prijave dovoljnog broja klubova.

XVII – PRIJELAZNE I ZAVRŠNE ODREDBE

Član 46.

- 46.01. Za sve što nije predviđeno ovim Propozicijama vrijede odredbe Pravila igre za "Futsal" (mali nogomet), Odluke Međunarodnog borda, Pravilnika o nogometnim natjecanjima.

Član 47.

- 47.01. Ove Propozicije stupaju na snagu danom donošenja, a objavljuju se na web portalu Nogometnog saveza Federacije BiH.

P R E D S J E D N I K
Dragan Soldo

Broj: 1210/24
Sarajevo: 17.07.2024.

Komisija za takmičenje Nogometnog saveza Federacije BiH, na sjednici održanoj 14.06.2023. godine donosi s l j e d e ċ e:

U P U T S T V O
o snimanju utakmica
(aneks Propozicijama takmičenja)

I CILJ UTVRĐIVANJA UPUTSTVA O SNIMANJU

U cilju postizanja potpune regularnosti takmičenja u organizaciji Nogometnog saveza Federacije BiH i omogućavanja uvida od strane takmičarskih organa u kvalitetan video-zapis cijelog toka utakmica i svih momenata od važnosti za takmičenje, Komisija za takmičenje je donijela uputstvo o načinu snimanja utakmica te ostale radnje vezano za snimanje i dostavljanje video-zapisa utakmica nadležnom organu i savezu.

II EVIDENTIRANJE I UPOZNAVANJE SNIMATELJA O UPUTSTVU

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

III POZICIJA ZA SNIMANJE

Klub domaćin obavezan je obezbijediti umjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno smimala cijela površina parketa za igru i cijeli tok utakmice.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

IV NAČIN SNIMANJA UTAKMICA

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igrača i službenih lica sa parketa za igru u svlačionice, sve do ulaska u iste;
- b) Cijeli tok drugog dijela igre i izlazak igrača i službenih lica sa parketa za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

V VRSTA KAMERE I VIDEO DISKA (VIDEO-MATERIJALA)

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na predviđenoj udaljenosti od parketa do pozicije kamere.

Utakmice je potrebno snimati digitalnom tehnikom uz korištenje digitalnog video diska (DVD-a).

Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

VI UPOZNAVANJE SNIMATELJA O UPUTSTVU

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na striktnu primjenu uputstva o načinu snimanja utakmice.

VII DOSTAVLJANJE VIDEO MATERIJALA DELEGATU UTAKMICE

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u savez koji vodi odnosno takmičenje.

Klub domaćin snimak utakmice može dostaviti i putem linka u Sekretarijat NS FBiH, najkasnije 48 sati po odigravanju utakmice

VIII PROPUSTI U SNIMANJU I DOSTAVLJANJU VIDEO-MATERIJALA

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa članom 71. DP NS/FS BiH a u vezi sa odlukom IO NS FBiH.

PREDSJEDNIK
KOMISIJE ZA TAKMIČENJE
Basara Naim sr.